



262. 550
DISPUTATIO INAUGURALIS
MEDICA,
Exhibens
CASUM LABORANTIS
PERIPNEUMONIA,
QUAM
DIVINA ASSISTENTE GRATIA,
Consensu, Decreto, & Autoritate
Nobiliss. & Gratosiss.
FACULTATIS MEDICÆ,
IN
ILLVSTRI
LUDOVICIANA
ACADEMIA,

Pro summis honoribus, atque privilegiis Docto-
ralibus ritè impetrandis,

Publico ac solenni
MAGNIFICI atque AMPLISSIMI
SENATUS ACADEMICI

Examine subijcit
JOHANN - WILHELMUS REYSER,
Marpurgò - Hassus.

Ad diem Octobr. horis locog. consuetis.

— 34 —
GISSÆ HASSORUM,
Typis FRIDERICI KARGERI, Acad. Typogr. Ord. cl. J. LXXV.



PROOEMIUM.

Sanguinem caloris naturae formam, vitæq; thesaurum esse, tot animæ functiones, quas variâ, & admiranda prorsus ratione in sanguine elucescere videmus, luculenter ostendunt. Eni sanguis est, qui per iram feruet; per timorem fugit; per mæstitiam pigrescit; per gaudium effunditur; per pudorem in faciem occurrit! Et ob hanc ipsam sanguinis præstantiam Cicer. l. 4. ad Attic. vigorem & vim Civitatis succum & sanguinem vocat, dum Amisimus omnem luccum & sanguinem Civitatis scribit. Verum ut optimi corruptio esse pessima solet, sic sanguis, ubi à bonitate sua degenerat vel loco naturali egreditur, turbas multum negotii facessentes movet. Testari id possunt, inter alia vitæ humane incommoda, viscerum inflammationes, quæ ex levi sæpe principio ingens subito excitant periculum, dum vitalis calor in consumentem astum degenerat. Nullum ab hoc malo immune est viscus, ipsumq; adeo naturæ ventilabrum, & dicatur Respirationi follii haud rari inflammatur. Hunc pulmonis affectum, cum de inauguratis Disputationis argumento cogitarem, præ aliis ad elaborandum eligere placuit, & quandoquidem per exempla compendiosior ad praxin, quam per præcepta, via est, quæ in rem scopumque præsentem facere possunt. Aegro Peripneumonico applicare, & singula doctorum examini subicere, animum induxi; Faxit DEVS, ut feliciter!

Historia.

Juvenis annorum 23, temperamenti calidi & humidissimi, habitu corporis mediocriter carnoso præditus, ple-

A

rumque

rumq; victu satis lauto ulus, ætivo tẽmpore, cum exercitio corporis paulò validiore incaluisse, domumq; reduxi esset factus; mox gravativum pectoris dolorem atque angustiam sensit, adeo, ut in lectu se conferte cogeretur, quò factò, statim febricitare cepit, idq; satis acutè, tussimolesta non minus ac frequenti, eaq; primùm quidem sicca, paulò post tamen cum subsequente materiæ sanguinolentæ excretionem, quam unà comitabatur respiratio tam difficilis, ut non nisi erectâ cervice anhelare valeret; Cæterum facies ac præsertim gena dextra admodum rubent, venæq; & arteriæ multùm repletæ apparent. Pulsus est magnus quidem, sed languidus, & quasi undosus; Situs intensa, & urina rubicunda, alvusq; per biduum obstructa. Petit consilium.

RESOLUTIO.

AFFECTUS, quò cum *Ægrotans* Noster constitatur, ex eorum est numero, quos *Galenus* l. 2. *M. M. c. 2.* à parte læsæ denominationem accepisse statuit, hincq; *Græci* πνευμονία, vel πνευμονία, *Latinis* verò communiter eodem nomine, tùm etiam *pulmonia*, ac *pulmonis dolor* à *Celsò* l. 4. c. 7. appellatur, quamvis non tam dolor, quam inflammatio formalem hujus malitiam abolvat. Est n. *Peripneumonia inflammatio*, seu tumor pulmonum calidus, cum febris acutâ, spirandi difficultate, & tussis, ab influxu humorum in spaciis inanibus putrescentium ortum ducens. Laborare a. Ægrum hoc affectu, colligo

I. *Ex essentialiter inhaerentibus*, signisq; *πνευμονονόσος* in definitione modò recensitis, quæ etiam præsentis in *historiâ* memorantur, suntq; 1. febris acuta, 2. tussis frequens, molesta atq; vehementior, & 3. Respiratio tam difficilis, ut, nisi erectâ cervice, anhelare Æger non valeat.

II. *Ex essentialiter consequentibus*, suntq; in actionib. vitalibus pulsus magnus, sed languidus, & quasi undosus; In naturalibus situs intensa; In animalibus dolor pectoris gravativus; In qualitatibus

ratibus mutatis, genæ admodum rubentes; In *Excretis* & *Retentionis* Urina rubicunda, & Alvus per biduum obstructa.

III. Confirmant idem *causa prægressa*, quippe ad malum hoc producendum plurimùm aptæ, quas inter eminet Temperamentum sanguineum, corporis habitus carnosus, viçusq; lautior &c.

IV. Neq; quæ à similitudine desumi consuevit ratio, vel illustratio, deest; Siquidem ita affectos ægros à Medicis plerisq; pro *Peripneumonia* habitos fuisse, horum monumenta & observaciones quoad prædictum pronunciant.

Subiectum primarium statuimus Pulmonem, mirabile illud Naturæ strobillum, quod modò secundum dextrum, modò secundum sinistrum lobum affectum agnoscimus, cùm, iudicio gravissimorum autorum ac infinitorum cadaverum inspectione attestante, non necesse sit, totus ut pulmo semper inflammetur. Vide *Sennert.* l. 2. *præc. part. 2. c. 3. p. 150.* *Schenck.* l. 2. *obs. medicæ de peripneum.* obs. 3. p. 2. 49.

Secundariis verò *subiecti* vicem subire unâ quandoq; & posse & solere putamus pleuram, mediastinum, ipsumq; adeo cor, & reliquas thoracis partes, quippe quas, ob viciniam, quâ conjunguntur, proximum inflammationis effectum evitare vix ac ne vix quidem posse, luce meridianâ clarius est. Quin imò etiam nec ipsum caput liberum relinqui, sed à putridis istis exhalationibus, cum sanguine communicatis, in consensum rapi, ex oculorum & genarum rubedine ad oculum patet.

Afficitur autem pars principalis, pulmo inquam, vel *ἡ δὲ πνευμὸν*, & per essentialiam, vel *διὰ τὴν ὁμοειδίαν*, per consensum laborat. Illud quidem fit, dum in ipsomet mali causa generatur, adeoque permanens quædam adeest dispositio, quæ ab alia nullâ dependet. Hoc autem accidit, quoties non tam in ipso pulmone inflammatio latitat, quam potius ab aliis modò recensitis partibus coinquinatur.

In nostro Ægro prius locum habere, pulmonemque secundum dextrum lobum inflammatum esse, circumstantiæ in historia enumeratæ haut parùm evincere videntur.

Causa immediata in genere dici potest ipsum *passiva*, seu humo-

humorum in pulmones affluxus, quatenus horum substantiæ infixus hæret, sicque inflammationem producit.

Causa mediata, eaque proximior, sunt humores calidi. Equidem sub iudice lis esse adhuc videtur, num à solo sanguine hic affectus proveniat, an verò etiam à bile, vel pituita, &c. excitari queat? Verùm cum ipsamet experientia à partibus Galeni, & aphor. 33. ab omni humore peripneumoniam fieri posse, doceatis, stare deprehendatur; nos etiam quandoque à sanguine solo, modò à pituita solo, modò à bilioso pulmones inflammari, ac in præteriti quidem Casu sanguinem utramque ferè paginam implere, audacter asserere nulli dubitamus.

Modus, quò in pulmonibus humor peccans colligitur, duplex potissimum occurrit, curag. Sporadic. scilicet, & in juvenibus, congestio & fluxio; hanc a præ illa, aculandam hic putamus.

De Visu rogati, respondemus, deferri sanguinem istum, sive purior sit, sive minus talis, per venam cavam, retrogrado circulari motu, in dextrum ventriculum, exinde per arteriam venosam in latum pulmonum æquor se effundere, inania spacia pervagatum incallescere & putrescere, verbis celeberr. Rossini. Epitom. Cognosc. &c. lib. 1. part. 2. c. 4. p. 134. Conf. quoque Kerckring. obs. Anat. 97. p. 190.

Quod porò ad Causas, ut vocantur, Remotiores attinet, occurrit statim inter Naturales Temperamentum Egri calidum & humidum, quod sicut ad generandam sanguinis copiam apprimè facit, ita consequenter venas arteriasque turgidas reddit, & ut facili de causâ sanguinem evomant, disponit: Idque habitus corporis iusque &c. & juvenilis ætas, quorum utrumque in Egro nostro concurrere observavimus, haut parum confirmat. Quamvis n. in consistente, & ad senilem vergente ætate constitutis, inter alios id generis affectus, Peripneumoniam quoque insidias præ reliquis struere, auctor est Hippocr. l. 3. aphorism. 30. nihilominus tamen tantum abest, ut juvenilem ætatem hic excipiamus, ut potius, (cùm juvenes haut rarò genio in dulceant, remulentoque litare Baccho soleant) hanc quoque tam atroci malo maximè obnoxiam esse, censuimus; quod quidem pronuntiatum, præter Celeberr. Horst. l. 3. de morb. pector. obs. 8. p. 129.

Noster

Noster etiam Eget suo ipsius exemplo edocet. Accedunt insuper inter causas Non-naturales Aer calidior, qualem æstivo præsertim tempore experimus; quantum a hæc aeris constitutio ad corpus nostrum variè afficiendum valeat, non est, ut prolixè ostendamus: Neque obstat, quod hieme præsertim pleurides, pulmonum inflammationes, &c. oriri dicat Hippocr. 3. aphor. 23. nam eodem teste 3. aphor. 19. quilibet morbi in quibuslibet temporibus fieri queunt, & hinc etiam, quod calor in hieme per antipieristasin in partibus corporis internis adauctus, ubi humores in æstate collectos invenit præstare valet, id sanè non minus evenire potest eò tempore, quò calidior aer tum inspiratus, tum corpus ambiens, humores & præcipuè sanguinem fundit. Spiritus subito dissipat, & morborum plerumque acutorum auctor esse consuevit.

Hicce porò Vitiis lantioris usus, tantò validius in Juvene nostro symbolum conferre potuit, quantum vegetior esse calor, & flamma vitalis hæc in ætate solent, ubi nec dum edaces curæ partes corporis nutriendas genio suo defraudant, sed potius omnia rident, & in totius augmentum atque emolumentum conspirant ac coæcervantur.

Neque omittendum hic, cujus quoque in historia sit mentio, validius corporis exercitium, quippe cujus superveniente excessu humores plurimum agitantur, funduntur, tandemque ceriam accenduntur.

Quibus ita constitutis, mirum non est, huncce obortum affectum, & varia subsequuta esse symptomata, quæ cùm ante signorum vicem subierint, dilucidior nunc explanationem ex ætymologia desiderant.

1. Adest dolor pectoris gravativus, non punitivus, quòd materia peccans in membro per se insensibili hæreat, nec nisi membrana mediante percipiatur; concurrente quidem thoracis angustia, ob bronchiorum compressionem. Et hic doloris character præsentem affectum à pleuride satis manifestè discernit.

2. Febris urget continua, & acuta, tum propter affectum ipsum, qui est, uti dictum, inflammatio, tum propter situm, siquidem

dem cor ob vicinitatem & communionem vasorum plurimum & continuò affligitur. Hinc non tam primariam, quàm symptomatiam hanc esse febrim constat, quippe quæ ab dictâ inflammatione ortum præcipuè traxit; imò & *Comitata* dici potest, eùm & febris & inflammatio simul ingruisse videantur.

3. *Tussis* primum quidem *sicca* molestiam creavit, paulò post autem *materia sanguinolenta rejectio* subsequuta fuit, quòd sub initium cruda omnia esse solent, deinde verò factâ aliquâ materiæ coctione, humiditas jungatur, faciliorsque excretio succedat.

4. *Respiratio* tam difficilis adest, ut, *nisi erectâ cervicæ*, ac rem ducere vix valeat *Æger*; idque ob pulmonem tum inflammatum, tum sanguine in ejus substantiam ita effuso repletum, ut acrem pro necessitate urgente recipere haud queat, nisi erectò corpore aliquam situs commoditatem obtinuerit.

5. *Pulsus* deprehenditur quidem *magnus*, ob cordis viciniam, febrisque vehementiam, nimio impetu arterias pervadentem; *languidus* tamen simul est, & veluti *undulosus*, quòd in membro molli sit, viresque ob contractam ab insigni intemperie impotentiam haut sufficiant.

6. *Gena*, præsertim *dextra*, valdè *rubens*, propter exhalationes fervidas, & vapores ad caput elevatos, sanguinemque faciei vasa turgescens suâ distendentem secum rapientes.

7. *Urina rubicunda* excernitur, index intemperiei, & febris febrilis, qui, cum siccitatem comitem habere soleat, simul etiam

8. *Fæces induratae*, ut faciliè alvus exinde per aliquot dies obstrui adstringique potuerit.

Hisc ita suis ex causis, pro ratione instituti nostri, breviter deductis, monemur jam, ut, quid sperandum *Ægro* restet, subjungamus. Quod priusquam pronunciamus, non possumus non præmittere, quod *Celsus lib. 7. cap. 4.* inculcat, *affectum hunc plus periculi, quam doloris habere*; &, si *Hippocratem* consulamus, commune ferè hic *prognosticum* esse, paucos ita laborantes evadere: est n. malum vehemens & acutum, quod die 7, aut 14, aut ad summum 20 judicatur, teste *cod. Coo l. 2. & 3. de morb.* Acuto-

rum

rum autem morborum incertas esse prædictiones, docemur ex *f. 2. aphor. 19.*

Interim cum *Æger* noster in vigore ætatis constitutus, viresque nondum planè resolutæ sint, tumque etiam natura ad expectorationem sese accingat, proinde prognosin, quæ circa *salutem* aut *mortem* denunciandam occupatur, ita temperabimus, ut ipsi non omnem planè evadendi spem abscondamus. Et illa ipsa, quam modò diximus, sub initium sese ostendens sanguinolenta excretio, quæ maturationis futuræ rudimenta exhibet, *brevitatis ac longitudo* hujus morbi rationem, *eventusque modum* quodammodo determinat, juxta effectum *aphor. 12. sect. 1.*

Salutis itaque spe quadam conceptâ ad *curacionem* perficiendam eò magis properandum ducimus, quò minus moram hocce periculum admittit. Est n. in acutis morbis, si uspiam, occasio valdè præceps, requiriturque ad eò, ut maturè, & quæ ac methodicè Naturæ succurratur. Offerunt autem se in præsentem medendi methodo ex potissimum *indicationes*, quæ in omni inflammatione, tum quoad causæ remedium, tum quoad virium conservationem necessariae sunt. Danda igitur opera erit, ut materia affluens, fovensque avertatur, fervor febris temperetur, & natura, eodictum, dum per tussim materiæ expulsiorem molitur, virium conservatione simul omnibus modis procurata, continuò adjuvetur.

Materia præsidiorum, quæ hisce satisfaciunt indicationibus, variae sunt.

Ex *CHIRURGICO FONTE* præstò est generosum, ac omni inflammationi conveniens *venesectionis* remedium; quippe quâ sanguis affluens illicò revellitur, & evacnatur. Coincidant eandem *Ægri* constitutio, victus antecedens, vires, idò; generis alia, Secetur ergò mediâ dextri brachii, & sanguis ad *Ælij l. 3v.* emittatur.

Vicarias quoque *V. S. encephalicas*, brachiis affixas, imò & costis appostas non improbamus, cum hisce peripneumoniâ sanata testetur *Nic. Fontan. exempl. 17. p. 52.* Interea tamen expediet venesectionis prius successum ut circumspicere expectemus, quàm Naturam nimis officiosè turbemus.

Idem

Idem etiam de Frictionibus, ac ligaturis observandum censemus, ut singula non nisi *κατὰ* peragantur.

Ex FONTE PHARMACEUTICO sese nobis sistant *Alvum leniter subducentia*, ubi præsertim *Clysterum* usum commendamus. Cumque alvus per bîdium obstructa fuerit in *Ægro* nostro, conveniet ipsi venæsectioni, in principio alias statim administrandæ, emollientem, & respectu febrilis caloris, quadantenus refrigerantem *Clysterem* præmittere; qui poterit esse talis:

℞. rad. alth. malv. lil. albor. ana ʒʒ.
herb. malv. bismalv. chamomill. cum floribus
ana Mj.
endiv. lactuc. ana Mʒ.
Flor. malv. violar.
Summit. aneth. ana pj.
Sem. 4. frig. major. ana ʒʒ.
lin. foenugræc. ana ʒj.
Prunor. dulc. ex oss. N. 7.
Coq. in f. q. aqu. simplic. ad ʒxx.
in Colatura dissolv.
Electuar. de Tamarind. cum fol. Sen.
ʒvj. l. ʒj.
Ol. chamomill. viol. ana ʒʒ.
Vitell. ov. Nj. o. parum.
M. F. Clyster.

Convenient quoque *Clysteres* moderatè revellentes, præcipuè primis diebus applicati, quo materiæ impetus à pectore avertatur, & humores vitiosi, si fortè turgcant, ac in corpore unà abundare observentur, maturè evacuentur. Cavendum tamen, ne fortiorib. medicamentis humores agentur, febris accendatur, viresque deiciantur. Et cum hujus affectus curatio, teste *Avicennâ*, à pleuritidis curatione in paucis differat, in qua à *purgantibus* abstinendum esse, statuit, & doctis rationibus evincere conatur *London. Select. med. XII. 6. 183. p. 482.* temerarium meritò arbitramur, intempestivis purgantibus turbas movere, naturæ conatum præpedire, alvi fluxum, hoc in morbo præprimis pericu-

lum,

losum, concitare, & augendo febrilem æstum vires prosternere. *Intempestivis* dico *purgantibus*: nam quod mitioribus quandoque uti non solum liceat, sed etiam conveniat, ac necesse sit, experientia, & observ. med. confirmant. Vid. *Horst. d. l.*

Et quidem nostrum quod concernit *Ægrotum*, cum à sanguine potissimum abundante malum hoc foveatur æque ac ortum traxerit, non est difficile, videre, quousque modò recensitis locus relinquatur. Sufficiet sanè ea elegisse, quæ aliàs pectori amica deprehenduntur, uti sunt *Sirup. ros. vel viol. solut. Diaprun. simplex. Manna*, aliæque id generis mitiora.

Solutâ igitur per *Clysterem* supra memoratum vel similem alvo, sicque lenitis primis viis, & administratâ V. S., omnis opera danda erit, ut propinatis *pectorantibus* materiæ coctio atque excretio promoveatur, non neglectis iis, quæ æstum febrilem unâ alterando mitigare valent. Diverſo huic scopo *Julepi* alterantes, *syrupi pectorales*, eclegmata, aliæque hujus classis medicamenta apprimè inservient. E. g.

℞. Sirup. violar.
de liquirit.
Jujubis ana ʒj.
Aq. hed. terr. ʒvi.
Cerefol.
rubiidei ana ʒijj.
M. add. Spir. Nitri. parum. F. Julep.
S. Rûstend. Julep.

℞. rad. alth. ʒv.
ireos ʒʒʒ.
liquirit. ʒijʒ.
herb. tussilag. in.
Capillor. Veneris
cerefol. ana Mʒ.
Flor. malv. cichor.
bellid. rubr. min. ana pj.
Passul. mundat. ʒj.

B

Cog.

Cog. in decoct. hord. f. q. ad libij.

Colatur. add. Syrup. de jujub.

Prassio ana ʒijʒ.

M. F. Apozema, de quo capiat ʒger bis l. ter de die
haultum ʒij.

Nec minus juvabit materię rejectionem, sive anacatharsin, tale
Eclegma:

℞. Loch sani & experti

de tussilag.

caulibus ana ʒijj.

Syrup liquirit.

de jujubis ana ʒj.

Hispidul. ʒʒ.

Specier. pulv. anonym. rec. dispens. ʒʒ.

diamarg. fr. ʒj.

diatrag. fr. ʒʒ.

M. F. l. a. Eclegma.

S. Brust-Larweg offere zu gebrauchten.

Internis hisce, aliisq̃ue similibus, adjungi quoque poterunt ex-
terna, Fomenta, Cerata, Emplastra &c. ita tamen, ut ne horum
usus nimium continuetur, cum alias pulmo non solum justò va-
lidius exsiccetur, sed etiam faciliè fieri queat, ut suppuratio peri-
culosa excitetur, quam tamen, dummodo fieri possit, præcavere
multò præstat.

℞. Ungt. pectoral. ʒj.

resumtiv. ʒvj.

Ol. diapalm. ʒj.

amygd. dulc. q. l.

pro Ungt.

M. S. Brust-Salbi.

℞. Ol. lil. albor. chamomill.

amygd. dulc. ana ʒj.

Axung. human. gallin.

canis aq. cerefol.

lot. ana ʒj.

Ungt.

Ungt. dialth. q. l.

pro linimento

S. Brust-Del.

Continuatis sic per aliquot dies preparantibus & bechicis non
dissuaderem sequentem potiunculam.

℞. Flor. cassiæ rec. extract. ʒʒ. l. ʒvj.

decoct. pectoral. ʒijj.

Colatur. adde

Syrup. rosar. solut.

de cichor. cum rheo ana ʒij.

F. l. a. potio.

S. purgirendes Brust- & Träncklein warm auff
einmal zu nehmen.

Hoc modo materia thoracem occupans, blandè subduce-
tur, moxq̃ue majori cum successu expectorantium alterantium-
q̃ue medicaminum usus continuari poterit. Quæ tamen omnia
ita accipi velim, ut circumstantiis circa *Ægri naturam & mor-
bum* occurrentibus, quippe quæ in acutis morbis momentò sæpè
mutari solent, prudenter accommodentur, juxta solennem me-
dendi regulam, quâ *urgentiori primò esse obviam eundum*, neces-
sariâ cautelâ inculcatur.

Quod ad *Vomitoria* attinet, equidem non ignoro, à multis
ea etiam hoc in affectu commendari, legiq̃ue apud Schenck,
l. 2. obs. 4. p. 249. solo stibio in pulverem tenuissimè redactò, atq̃
rhodofaccharo permisto, Gallum Medicum Tridentinum pul-
monis, cordis & ventriculi inflammatione laborantem post ali-
quot vomitus, frustra aliis adhibitis medicamentis, pristinè sani-
tati fuisse restitutum: At verdò, cum hæc rariora sint, adeoq̃ue
hoc præp̃mis nomine observationum calculum meruerint, nō
statim inde regulam constitui, multò minus quempiam imitari
idem debere aut posse arbitror, cum audaces quidem quandoq̃
fortuna juvet, sæpius tamen in præsens vitæ discrimen præcipi-
tet, ut adeoq̃ue summa hic circumsp̃ctione opus esse vel
urgens ratio intelligant. Sunt insuper, qui in declinationis po-
tissimum statu aut tempore morbi huic proximo *Emeticorum*
usum maximè proficuum deprædicent, cum necessariò materia

B 2

putrida

putrida tunc exterminanda sit, quippe cujus presentia virium restorationem minime admittit. Si quid ego huc judicare possum, dicerem, ubi morbus jam ad declinationem devenit, haut videri necessarium, ut violentus id generis motus, quem etiam mitiora emetica facile concitare possunt, instituantur, tam quod naturæ vires, à morbi robore fractæ, id non permittant, sed potius quietem & restorationem desiderent; tam quod modò convenientiori, certè minus periculosò, si quid fortè collectum restiterit, subduci queat.

De nostro *Agro*, cujus gratiæ hæc præmissi, ut nunc dicam, posse nos labore tali superfedere puto, cum, ut supra vidimus, non tam cacochymia, quam plethora, malum hoc ovum excluderit, spesque sit, fore, ut jam laudatis remediis cedat.

Quod si interim alias vias sibi parare medicatricem naturam observare detur, tunc monitum *Hippocrat.* Quo natura virgit, eo est ducendum, minime negligi; quin potius omnibus modis naturæ conatum adjuvari velim. Non tardè enim peccantem materiam in pulmonibus aut thoracis cavitate collectam solere per urinam expurgari, dudum docuit Galen. l. 6. de loc. affect. cap. 4. & confirmat Zacut. Lusitan. l. 2. de medicor. princip. histor. 26. q. 26. Sic etiam puris micum cum clysteris vomitu in peripneumoniâ notavit Borellus C. 2. observ. 17. vias verò innuunt Horst l. 3. observ. 9. & Rolsinc. diss. Anatom. p. 9063.

Stigitur tale quid nostro in *Agro* contingeret, hunc naturæ conatum non inhiherem, multò minus inverterem, quin potius diureticis, miram quandam hoc in affectu utilitatem, teste etiam Heurnio l. 3. de morb. pest. præstantibus, haud cunctanter promoverem; una tamen observatè monitum Clariss. Horstii, qui, d. l. non nimis calida, sed temperata id genus medicamenta esse debere docet; exempli loco sequens lubet apponere:

℞. Aqu. cerefol.

Petroselin. ana ℥j.

Tinctur. tartar. gutt. vj.

Liquor. diuretic. Schrödd. ℥ss.

Syrup. de alth. Ferncl. ℥ss.

M. S. Darn-treibendes Dräncklein auff sein
mal. De.

De *Diaphoreticis* hoc dixisse sufficet, suum quoque illa quidem elogium mereri, ubi fortè malignitatis indicia observantur, quin & ad tollendas in declinatione morbi reliquias in usum trahi posse: ex quibus, quid *Nostro* polliceantur, & quando profutura sint, non obscure patet.

Ceterum, si præter expectationem, jam enumeratis præstidius morbus haut cessarit, sed jam in abscessum abierit, tunc aliâ incedendum viâ, & convenientibus medicamentis pus maturandum, maturatum educendum; educit pure uleus abstergendum; mundificandum, ac denique consolidandum erit, quæ nunc sub meliori spe intacta relinquimus.

Tandem ipsa symptomata, licet morbificæ remotæ causæ, cum remoto corpore umbra, dispareant, cessentque; tamen, cum sæpe nimis sint molesta & causæ naturam inducentes non parùm urgeant, sui quoque cura ut aliqua geratur, expetunt.

Calor itaque febrilis intensiori, hincque molestæ admodum siti, & vires prostermentibus vigiliis, ubi ingruerent, sequentimodo occurrerem.

℞. Syrup. papav. err. ℥jss.

rub. idej.

violar. ana ℥j.

Aq. cerefol.

papav. err.

lactuc. ana q. f.

rosar. ℥j.

Spir. Nitr. q. f. ad levem acidit.

F. Julep. S. Rühender Julep vor den Dünst zu trincken.

℞. Sem. 4. frig. major. ana ℥j.

papav. alb. ℥j l. ℥ss.

Aq. hypnotic. Dornereill. ℥ss.

lactuc. heder. terrestr. ana q. f.

F. Emullio, add.

Aq. rosar. ℥jss.

Spec. diamarg. fr. ℥ss.

diazir. simplic. ℥j.

B 3

Magist.

Magist. ocul. 69. gr. xxv. l. 38.
odulc. rot. diacod. solid.

August. q. 3. ad gratiam.

Aq. astmatic. parum. M.

S. Kühlende Wilsch / gegen die Nache zu gebrauchen.

Varium imbecillitati, per totum morbi decursum probe observanda, tam *internis*, quam *externis*, quoad licuerit, succurrerem; Et quidem *interna* quod concernit, jam præscripta passim medicamenta ad hunc direxi scopum, possentque his subinde admisceri *Confect. alkerm. complet. syrup. rub. idet.*, *succo. aur. aut. dulc. syrup. granator. dulc. aq. perlata*: item *Magist. CC. perlata*. adque generis alia.

Externæ verò uteretur *epithemate cordiali*: c. g.

Rx. Acet. rub. idet. 3ß.

rosac. 3vj.

Aq. carfuncul. 3j.

rosar. opt. 3ij.

M. S. kühlend stärfendes Herz- und Puls- wasser, mit vierfachen Eüchlein warm auff zu legen.

Vel: Rx. Spec. pro Epithem. Cord. temperat. August.

q. s. pro duob. faccul.

confic. ex Syndon. rubr.

S. Puls. Säcklein / in obigem Wasser eingeweicht / warm auff zu legen.

Quæ omnia tandem hæcenus recensita FONS DIÆTETICUS suis irrigare rivulis debet. Tantùm enim abest, ut cum *Paracello* *Diatam* ad morborum Curationem parùm conducere putem, ut potius iis, qui legitimam victus rationem observare nolunt, nulla medicamenta præscribi debere cum *Galeno* sentiam. Neque me quicquam movet *Theophrasti* ratio, quod non nisi remediis adversus morbos pugnandum sit, cum habito respectu, quod remedii nomen, vel in latiori, vel strictiore significatione sumitur, facile hic nodus solvi queat.

Quod si verò id duntaxat voluit, quod nempe *diata* non tam

tam à morbo primario, quam *Virtute & Naturâ* corporis indiget, adeoque ad indicans *vitalè*, non a *Curatorum* primariò dirigatur, (quamvis vix eò videtur reperiisse) benignè qui audiatur, dignum esse, lubens profiteor. Sed ut ad rem redeam, paucis, quæ *Ægro* nostro *diata* conveniat, proponam.

Aër itaque sit temperatus, tenuis & purus, non nimis calidus, quia exsiccat, humoresque adurit; nec nimis frigidus: frigida enim pectori inimica, teste *Coo*; si igitur fuerit calidior, refrigerantibus, sed non intensè talibus temperetur, quò de confer. *Sennert. l. i. prax. part. i. c. i. p. 15.*

De cibo notandum, quòd, cum hic morbus ex acutorum numero sit, tenui victu uti conveniat, juxta monitum *Hippocr.* *si. aphor. 7.* Veteres a. tenuem victum præscribebant primùm ex *melicrato*, postea ex *cremore ptisanæ* *hordeaceæ*, usque ad 7. vel 9. diem, ubi integram *ptisanam* aut *ova*, aut *carnis* aliquid exhibere licebat. Et omninò accurati erant Antiqui in præscribendo in acutis morbis victu, uti videre est apud *Hippocr. l. i. de rat. vict. in acut.* ubi plenius idem exempli locò tractat, & *Galen. in Comment.* Verùm nostri homines tenuissimæ illi victus rationi non sunt afflicti, ut verè in his locum habeat *aph. 4. sect. 1.* Quapropter *Ægro* nostro præberi possunt prohibitiones ex *cremore ptisanæ*, quæ in id generis affectibus præstans est alimentum, uti idem *Cous d. l. x. 18.* confirmat; poterunt etiam propinari emulsiones amygdalæ, si alvus hanc fuerit obstructa, vel cremori ptisanæ addantur semina 4. frigida &c. cumq; morbus paulisper remiserit, accedere licebit ad ulum panatellæ ex jure gallinæ cum ovi vitello paratæ, proderunt etiam juscula carnis gallinæ, cum herb. refrigerantibus alterata: Tandemque ad carnes pullo- rum gallinaceorum, pleniorémque victum sensim transeundum est; Caveat sibi *Æger* ab amaris, salis, acidis, adstringentibus, atque *duæ intro*, ut sunt anguilla, cochleæ, fructus horarii &c. aliisque, quæ vim viscidos augendi humores obtinent. De dulcibus verò num convenienti dubitatur: *Hippocrat. 2. de morbis* in peripneumoniæ curatione, primis diebus dulces prohibitiones exhibere jubet, ut, quod pulmonibus inhaeret, eluatur 31

tur; & alias etiam dulcia pectori amica perhibentur. Verùm alii dulcia improbant, utpote, quæ facillè bileſcant, ſicquæ inflammationem, febrimquæ augeant. Nos diſtinguendum putamus cum *Sennerto* inter dulcia, & quæ temperata, atque aquoſa ſunt, minimè nocere, quin & calida convenienter dilui poſſe, ſicquæ in ulam vocari, arbitramur.

Pro potu verò commendo decoctum hordei vel ſimplex, vel, quod melius erit, cum paſſulis & liquiritiâ, & pauco cinamomo paratum, ſin verò appetat cereviſiam, benè defæcata ea ſit, oportet, & tenuis, nec acida. Vinum, quod attinet, præſtat ab eo abſtinere, imò ita, ut fiat ab *Egro* noſtro, proſus neceſſarium iudico, cùm ejus conſtitutio, ætas, morbus, &c. idem injungant.

Motus corporis ſit decens, ſeduloquæ monendus æger, ne præ doloris gravitate, vel anxietate pectoris, hinc inde ſe moveat, ſed quietus in lecto decumbat, ne calori, humorumquæ affluxui occaſio aut incrementum præbeat.

Somnus, vigilia, utraq; rē pariter præſtat, & inſomnia cavet *Hippocr.* *ſect. 2. aph. 3.* Quò de etiam ſuprà diximus.

Stom. quotidie reſpondeat, ſi naturâ ſegnior ſit, clyſterum uſu officii ſui admoveatur.

Animi tranquillitas, ne ſiant præſentia, rationis freno, atquæ patientiâ Chriſtianâ moderetur.

Et ſic, cum voto Divinæ benedictionis, finio,
gratias agens

DEO Ter Optimo Maximo, in cujus gloria
actionum noſtrarum meritò conquieſcit

FINIS.



Sic

Sic igitur, *Reverere*, tuos decorare labores
Aggrederis, curis nobilitasquæ novis?
Ecce! novus tibi ſurgit honor, nova gaudia Patri
Crescunt, & lauru ſtat domus ipla novo!
Adſpiret porro ſtudiis nova gratia Cœli,
Atque tuam in laudem ſanus & æger eant!

*Hæc in benevoli affectûs ſignum gratulabundus
deproperavit*

LAURENTIUS *Strauß*
Med. D. & PP.

Inſelix morbi non raro cura latentis
Conſpicitur, medicâ fruſtra levante manu.
Caſu, vel culpâ Medici contingat, an artis
Præoniæ vitio, ſubdubitare licet.
Fortuito nil ſit, juſtas perſæpè medelam
Viribus obcauſas Numina deſtituunt.
Ars quoque non patitur manes præclara medendi,
Errores Medicus, non Medicina fovet.
Nec præter meritum, ſævi libramine docto
Viſcera qui morbi non penetrare valet.
Firmatos igitur certâ ratione medendi,
Et doctos Medicos gloria ſola manet.

C

Abſtr-

Abstrusos artis Medicæ superare recessus,
Tentasti studiis hæcenus assiduis.
Comprobat eventus tentamina dextra secundus,
Ut Tibi mox pateat summus honoris apex.
Applaudit frater fratri, calidissima vota
Fundit, ut elogii culmina summa feras,

*In gratiam exoptatissimi fratris germani
gratulabundus sc.*

JOH. DANIEL REYSER,
U. J. D.

HÆc studii merces, hæc præmia magna laborum,
Te merito, Reyser, manent: Tibi militat ipse
Phœbus, & egregio cinget tua tempora lauru:
Cui, nostra ex toto gratulatur pectore musa.

*Tancis huic officio a mentis sua affectum
contestari voluit*

J. SCHILLING, Med, Stud.

F I N I S.

